

**Program podrške zaštiti ljudskih prava USAID/INSPIRE**

**Projekti podržani od USAID/INSPIRE u komponenti borbe protiv trgovine ljudima u BiH koji su u toku**

Godina dodjele grantova: 2021.

Naziv organizacije	Sjedište organizacije	Naziv projekta i ukratko o projektu
<b>Udruženje građana za promociju obrazovanja Roma Otaharin</b>	Bijeljina	<p><b>NIJEDNO DIJETE BEZ ZAŠTITE</b> – unapređenje mehanizama za prevenciju trgovine djecom i zaštitu djece potencijalnih žrtava/žrtava trgovine ljudima</p> <p>Otaharin pruža socijalne usluge romskoj djeci i drugoj djeci u riziku da ne postanu žrtvama trgovine ljudima. U okviru dnevnog centra za djecu koja žive ili rade na ulici Otaharin vodi dnevni centar koji je uspostavljen u neposrednoj blizini romskih naselja u Bijeljini. Dnevni centar pruža brojne socijalne usluge.</p> <p>Zagovaranje u okviru ovog projekta usmjereno je na lokalne zajednice u cilju unaprjeđenja odgovora lokalnih zajednica na problematiku trgovine ljudima i fokusiranje postojećih resursa i ekspertiza na unapređenje zaštite djece koja su žrtve trgovine ljudima. Otaharin je već izradio procjenu postojećih mehanizama za zaštitu bezbjednosti djece u Bijeljini, a istu procjenu će provesti i na području Zvornika, Brčkog i Doboja. Kroz projekt se dopunjava program rada sa djecom iz ranjivih kategorija koji će se koristiti za pružanje podrške žrtvama trgovine ljudima, izrađene standardne operativne procedure prihvatilišta za djecu bez adekvatnog roditeljskog staranja i djecu koja su u riziku da postanu žrtve krivičnih djela, kao i ostala neophodna dokumentacija za funkcioniranje prihvatilišta. Kreira se program obuke za nepolicijske</p>



**USAID**  
OD AMERIČKOG NARODA

		<p>profesionalce iz ciljnih regija koji će biti obučeni o indikatorima za identifikaciju djece žrtva trgovine ljudima, postupanju sa djecom koja su žrtve trgovine ljudima, postojećim mehanizmima za zaštitu žrtva trgovine ljudima i kako ih koristiti za zagovaranje u lokalnim zajednicama. U sve 4 ciljne regije provodi se javna kampanja usmjerena na razbijanje uvrješanih predrasuda kako su dječiji brakovi i prosjačenje tradicija Roma, te stavljanju fokusa na društvenu odgovornost zajednice, profesionalca i pojedinaca za bezbjednost djece iz socijalno ugroženih i marginalizovanih grupa.</p>
<b>Međunarodni forum solidarnosti EMMAUS</b>	Doboj Istok	<p>Proaktivan pristup sprečavanju trgovine ljudima u Bosni i Hercegovini</p> <p>MFS-EMMAUS gradi kapacitete nepolicijskih službenika – profesionalaca iz institucija i organizacija civilnog društva radi unaprjeđenja identifikacije žrtava trgovine ljudima i kvaliteta usluga koje im se pružaju u sklopu državnog referalnog mehanizma (DRM). Također, MFS-EMMAUS educira djelatnike iz organizacija civilnog društva o zagovaračkim kampanjama prema svim nivoima vlasti s ciljem unaprjeđenja prava i položaja žrtava, te radi na dizanju svijesti rizičnih skupina i potencijalnih žrtava, profesionalaca i opće javnosti u BiH kako bi se spriječila trgovina ljudima i suzbilo rodno zasnovano nasilje.</p> <p>Obuke članova će biti realizirane kroz tzv. Tabletop Exercises (TTX) – inovativnu edukaciju zasnovanu na specifičnoj metodologiji i stvarnim slučajevima iz prakse, s ciljem edukacije timova za bolju identifikaciju žrtava, te pružanje standardizirane i kvalitetne asistencije sukladno procedurama DRM. TTX obuke će biti praćene pojedinačnim obukama ostalih ciljnih skupina iz</p>



**USAID**  
OD AMERIČKOG NARODA

		oblasti pravosuđa, centara za besplatnu pravnu pomoć, službenika centara za socijalni rad, zdravstvenih i obrazovnih institucija, te dječijih psihologa; inspektora rada i službenika iz agencija za zapošljavanje za proaktivan pristup u identifikaciji i asistenciji žrtava trgovine ljudima.
<b>Crveni križ Županije Zapadnohercegovačke</b>	Ljubuški	<p>Psihosocijalna pomoć žrtvama trgovine ljudima</p> <p>Crveni križ Zapadno-hercegovačkog kantona (CK ZHK) pruža stručnu anonimnu pomoć potencijalnim žrtvama trgovine ljudima i pruža hitno djelovanje kada žrtva zatraži pomoć, uz osiguranje svih prava žrtve trgovine ljudima u skladu s pozitivnim propisima, te međunarodnim protokolima na području Zapadno-hercegovačkog kantona. CK ZHK radi na jačanju svijesti zainteresirane javnosti o pravima žrtava trgovine ljudima, načinu prepoznavanja potencijalnih žrtava trgovine ljudima, te ohrabrivanju javnosti da prijave moguće kriminalne aktivnosti.</p> <p>Kroz projekt se uspostavlja standardiziran anonimni način psihosocijalne pomoći potencijalnim žrtvama trgovine ljudima, kao i standardne operativne procedure (SOP) za zaštitu potencijalne žrtve trgovine ljudima u ovom kantonu, a u koordinaciji s nadležnim institucijama.</p>
<b>Centar ženskih prava</b>	Zenica	<p>Iskorak ka dobrim praksama u zaštiti prava žrtava trgovine ljudima</p> <p>Centar ženskih prava (CŽP) osigurava pravno zastupanje, tj. pravnu pomoć i specijaliziranu psihološku podršku žrtvama, orijentiranu prema specifičnim potrebama žrtve trgovine ljudima. Odjel pravne i psihološke podrške CŽP je na raspolaganju u kancelariji u sjedištu organizacije (Zenica), kao i terenskim kancelarijama pri centrima za socijalni rad u Zenici, Jajcu, Maglaju, Travniku, Gornjem</p>



**USAID**  
OD AMERIČKOG NARODA

	<p>Vakufu/Uskoplju i Novom Travniku, te kroz mobilni tim. Pravni odjel CŽP je povezan sa subjektima zaštite koji dolaze u kontakt i direktno su uključeni u procese u kojima se pojavljuju žrtve ili potencijalne žrtve.</p> <p>Transferom know-how za članove 18 regionalnih timova u BiH unaprjeđuje se stepen operativnosti i funkcionalnosti u procesu identifikacije za kvalitetnije informisanje žrtava trgovine ljudima o njihovim pravima, kroz upoznavanje s mehanizmima i načinima uključenja specijaliziranih organizacija u proces identifikacije i zaštite žrtava trgovine ljudima, koje pružaju kvalitetnu tehničku asistenciju nadležnim institucijama osiguravajući pravnu pomoć žrtvama.</p> <p>Projekt zagovara osiguranje naknade štete žrtvama trgovine ljudima u krivičnim postupcima. Kroz niz foruma, kao oblika stručnog savjetovanja, prikupljaju se najrelevantniji podaci koji ilustriraju stanje i argumentiraju neophodnost hitne intervencije svih aktera koji će se uključiti u zagovaračke procese za osiguranje zaštite prava žrtava trgovine ljudima u krivičnom postupku, ali i drugim postupcima pred institucijama u BiH. Na osnovu preporuka i zaključaka foruma, ekspertna radna grupa treba izraditi dokument s pratećim obrazloženjem opravdanosti potrebe za utjecanje na promjene koje će omogućiti veća prava žrtvama i potencijalnim žrtvama trgovine ljudima. Ovaj dokument će biti upućen svim nadležnim i odgovornim institucijama, organima/tijelima u BiH. Projekt doprinosi stvaranju kritične mase aktera za lakši pristup naknadi štete žrtvama krivičnih djela trgovine ljudima u krivičnom postupku.</p>
--	---